




Ռոբերտ Այվազյան

Գեղանկարիչ

Մոնումենտալիստ

ՌՈՔԵՐՏ ԱՅՎԱԶՅԱՆ

5 մարտի 1945 թ.

Գեղանկարիչ - մոնումենտալիստ

Գեղանկարչություն, մոնումենտալ արվեստ՝ բարձրաքանդակ, խճանկար, դասական վիտրաժ, բեմական նկարչություն:

Կրթություն

1959-1964 թթ. — Թեոլեմեզյանի անվան Գեղարվեստի ուսումնարան, Երևան:

1964-1969 թթ. — Երևանի գեղարվեստա-թաթերական ինստիտուտ, գեղանկարիչ:

Աշխատանքային գործունեություն

2019-2022 թթ. Կերպարվեստի դասախոս Արմյան քաղաքի Արվեստների քոլեջում:

1970-1982 թթ. Էջմիածնի Մանկական գեղարվեստի դպրոցի հիմնադիր տնօրեն:

1972 թ-ից ՀՀ Նկարիչների միության անդամ: Նույն թվականից մասնակցել է Հայաստանի և ԽՍՀՄ նկարիչների միությունների ցուցահանդեսներին:

1977-1981 թթ. Դասավանդել է Երևանի գեղարվեստի ինստիտուտի գծանկարի ամբիոնում:

1968 թ-ից մասնակցել է Հայաստանի հանրապետական ցուցահանդեսներին:

1974 թ-ից առ այսօր մասնակցել է բազմաթիվ միջազգային գեղանկարչական ցուցահանդեսների, մասնավորապես Գերմանիայում, Կանադայում, Ավստրիայում, Ռուսաստանում, Մալազիայում, Հնդկաստանում, Նորվեգիայում, Եգիպտոսում, Փրանսիայում և այլն:

Էջմիածնի մանկական գեղարվեստի դպրոցի հիմնադրում

1970 թ-ին Ռ. Այվազյանին ՀԽՍՀ մշակույթի նախարարության հրամանով հանձնարարվեց Էջմիածնում հիմնադրել մանկական գեղարվեստի դպրոց: Էջմիածնի քաղաքապետի հետ բազմաթիվ բանակցություններից հետո հաջողվեց ստանալ դպրոցի համար հնրավարորինս լավագույն տարածքը: Վերակառուցման և վերանորոգման աշխատանքները տևեցին վեց ամիս:

Այդ ընթացքում, կերպարվեստի և գծանկարի ուսուցման նպատակով, կրթության նախարարության ֆինանսական աջակցությամբ և Ռոբերտ Այվազյանի ջանքերով Լենինգրադի Գեղարվեստի Ակադեմիայում պատրաստվեցին անթիկ և վերածնունդի ժամանակաշրջանների լավագույն գործերի գիպսե պատճեններ: Դպրոցի ուսումնական կարիքների համար ձեռք բերվեցին անհրաժեշտ պարագաներ, գրաֆիկայի և քանդակի հաստոցներ:

Դպրոցը սկսեց գործել 1971 թ-ի սեպտեմբերից, 120 աշակերտով: 1975 թ-ին Խորհրդային միության ԱՊՆ լրատվական գործակալությունն ամբողջ աշխարհով տարածվող Խորհրդային միություն ամսագրում ընդարձակ հոդված հրապարակեց դպրոցի մասին: Դրանից հետո սկսվեցին բազմաթիվ պատվիրակությունների այցելություններ Էջմիածնի գեղարվեստի դպրոց՝ Չեխիայից,

Ֆեդերատիվ Գերմանիայից: Երևանի մանկական պատկերասրահում կազմակերպվեց Էջմիածնի գեղարվեստի դպրոցի սաների աշխատանքների հատուկ ցուցահանդես նվիրված Իտալիային: Իտալացի կինոդերասան Ջան Վալոնտեի և կինոռեժիսոր Նանիչ Լոյի գլխավորած պատվիրակությունը խանդավառությամբ այցելեց ցուցահանդեսը:

Երեխաների աշխատանքները ցուցադրվեցին Ռուսաստանում, Լիտվայում, Անգոլայում և Ճապոնիայում մանկական գեղարվեստի համաշխարհային ցուցահանդեսներին, որտեղ գրավեցին ոսկե, արծաթե և բրոնզե մեդալներ և պատվոգրեր: Դրան հետևեց Ճապոնիայի 13 նահանգների դպրոցների և Ճապոնիայի Էսթետիկայի կենտրոնի գլխավոր տնօրեն Սան Տադոյի ղեկավարած պատվիրակության այցը, որոնց համար հատուկ ցուցահանդես էր կազմակերպվել Էջմիածնում: Նշված տարիներին դպրոցում ուսանել և ավարտել են 1200 աշակերտ:

Մրցանակներ

1975 թ. “Հրաժեշտ” կոմպոզիցիոն գեղանկարչական աշխատանքի համար ստացել է “Դիպլոմ” տարվա լավագույն աշխատանքի համար, տրված Կոմերիտմիության կենտկոմի և Հայաստանի նկարիչների միության վարչության կողմից:

1976 թ. Ստացել է Հայկական ԽՍՀ մշակույթի նախարարության, մշակույթի աշխատողների հանրապետական արհմիության կողմից տրված “Պատվոգիր”:

2003 թ. Ստացել է “Վահագնի” մշակութային առաջին մրցանակը Հայաստանի Զարգացման Բանկի համար կատարված “Զարգացում” դասական վիտրաժների համար:

Մասնագիտական գործունեության ընտրանի

1971թ. Արամ Խաչատրյանի “Գայանե” բալետի բերադրող նկարիչ, ՀՀ Սպենդիարյանի անվան օպերայի և բալետի պետական թատրոն, Երևան, Հայաստան:

1972 թ. Արամ Խաչատրյանի “Գայանե” բալետի բերադրող նկարիչ, Վորոնեժի Օպերայի և բալետի թատրոն, Վորոնեժ, ՌԴ:

1973 թ. “Երաժշտություն” խճանկարային կոմպոզիցիայի և “Ռիթմ” դեկորատիվ բարձրաքանդակի հեղինակում, Երևանի Ճենապակու գործարան:

1986-1988 թթ. “Գիր և Գիրք” մոնումենտալ կոմպոզիցիա, բարձրաքանդակ խճանկարով (13մ x 8մ), Երևանի գունավոր տպագրության ձեռնարկության մասնաշենք, Երևան: Այս մոնումենտալ ստեղծագործությունն իր տեղն է գտել Հայկական Դյուցազնագրքում:

1989 թ-ից ի վեր, առաջիններից մեկը Հայաստանում, հեղինակել է բազմաթիվ վիտրաժային կոմպոզիցիաներ դասական տեխնիկայով՝ խթանելով այդ արվեստի զարգացումը մեր երկրում:

1989-1990 թթ. Ստեղծել է 12 մոնումենտալ դասական վիտրաժների շարք Ուկրաինայի նորակառույց Սլավուտիչ քաղաքի հայկական թաղամասի մանկապարտեզի համար, որոնցից չորսը՝ Տարվա եղանակներ թեմայով, որոշ փոխությամբ կատարվել է նաև Երևանի մանկական երկաթգծի այգու համար:

1997-1998 թթ. Հին օրինակների հիման վրա վերականգնել է Երևանի Երկնագույն Մզկիթի պատուհանների վիտրաժները Շեքեքե տեխնիկայով՝ ապակի, փայտ:

1998 թ. Սերգեյ Պրոկոֆյեվի “Մոխրոտիկը” բալետի բերադրող նկարիչ, ՀՀ Սպենդիարյանի անվան օպերայի և բալետի պետական թատրոն, Երևան, Հայաստան, բեմադրող՝ Մաքսիմ Մարտիրոսյան:

1998 թ. Հայ նկարիչների խմբակային ցուցահանդես Մոսկվայի նկարչի կենտրոնական տան ցուցասրահում, Մոսկվա:

2000 թ. Անհատական ցուցահանդես Փարիզի Սիտե դեզ Առթ (Cite des Arts) արվեստների կենտրոնում, Ֆրանսիա:

2002 թ. Չորս հայ նկարիչների խմբակային ցուցահանդես Թեհրանի “Ազադի” մշակութային կենտրոնում, Թեհրան, Իրան:

2003 թ. Մասնակցություն Կահիրեի միջազգային բիենալեին 6 գեղանկարչական աշխատանքներով:

2013 – Միջազգային ցուցահանդես Լիոնում, Ֆրանսիա:

2015 թ. Փարիզի համալսարանական քաղաքի հայ ուսանողների տանը իրականացրել է Եղեռնի 100-րդ տարելիցին նվիրված վիտրաժային կոմպոզիցիա:

Գեղանկարչական աշխատանքներից կարելի է նշել՝

“Ժաներթ” դիմանկար 1966 թ.

“Անահիտը” 1967 թ.

“Հրաժեշտ” կոմպոզիցիա 1975 թ.

“Նոեմի” դիմանկար 1976 թ.

“Էլվիրա Ադաբաբյան” դիմանկար 1977 թ.

“Անահիտի դիմանկարը” 1985 թ.

“Գարուն” բնանկար 2004 թ.

“Տաթևիկ Եսայան” դիմանկար 2008 թ.

“Ցավ և սփոփանք” կոմպոզիցիա 2010 թ.

Ռ. Այվազյանի հեղինակած աշխատանքները գտնվում են Հայաստանի, Ուկրաինայի և Ռուսաստանի մի շարք թանգարաններում, տարբեր երկրներում գտնվող մասնավոր հավաքածուներում: